

Sastanak sa ministrom Dodikom u vezi sa problematikom Bugojna

Viši zamjenik Visokog predstavnika Hanns Schumacher se susreo jučer sa federalnim ministrom pravde gosp. Ignjacijem Dodikom radi razgovora o daljem postupku u vezi sa Zajedničkim izvještajem OSCE-a i Ombudsmena Federacije o nezakonitoj dodjeli društvene imovine u općini Bugojno.

Ministar Dodik se složio da se u Zajedničkom izvještaju na profesionalan način pokreću veoma ozbiljna pitanja u vezi izvjesnih radnji u Bugojnu, koja treba da rješavaju nadležni pravni organi. Svakom nalazu koji objavi Ured Ombudsmena Federacije treba odati dužno poštovanje koje ova ustavna institucija zaslužuje. Ministar se stoga složio da će u Bugojno uputiti administrativne inspektore iz Ministarstva pravde, te da će u svijetlu njihovih nalaza ispitati opcije koje stoje na raspolaganju za pravni lijek radi zaštite prava oštećenih strana. OHR će tražiti od vršioca dužnosti načelnika općine Bugojno koji treba da se izabere i od općinske administracije da pruže pomoć u radu ovih inspektora.

Izvještaj inspektora bi trebao da bude izrađen u roku od 20 dana.

Ambasador Schumacher i ministar Dodik su se složili da je praksa nezakonite dodjele društvenog zemljišta uzela maha u općinama Federacije. Pravni lijek koji se ustanovi u Bugojnu bi trebalo koristiti kao model za druge općine kako bi se osiguralo poštovanje vladavine prava u cijeloj Federaciji.